

FORUM ONG TIMOR LESTE THE TIMOR LESTE NGO FORUM



Rua do Mercado Municipal, Díli Timor-Leste/ Mobile Phone +670 77999304/ 77236782/ forumong.tl@gmail.com, joao.fongtil@gmail.com/ <https://fongtil.org.tl/>

RELATORIU MONITORIZASAUN VASINA DALA SANULU RESIN HAÁT Dia 20 – 23 Setembru 2021

1. Introdusaun

Forum ONG Timor-Leste (FONGTIL) kontinua halo monitorizasaun iha Munisipiu 12 no RAEOA, nune'e bele garante partisipasaun sidadaun nian no suporta governu hodi hadi'a prestasaun servisu liu-liu parte vasinasaun nian.

Monitorizasaun sira halo ho organizadu husi membru FONGTIL, tuir mata dalan monitorizasaun vasina nian, ho pontuasaun valor 1 to 3 (1 ladi'ak, 2 natoon no 3 di'ak/di'ak liu), pergunta sira monitorizasaun mak hanesan tuir mai:

Tabela 1. Pergunta Monitorizasaun

No	Pergunta Monitorizasaun
1	Oinsá esforsu hodi hasa'e konsiénsia komidade nian kona-ba importánsia simu Vasina?
2	Oinsá prosesu atendentu pesoál saúde iha facilidade saúde sira?
3	Oinsá preparasaun lojistiku no ai-moruk vasina nian iha facilidade saúde, suficiente?
4	Oinsá ho apoia husi lider komunitária sira ou parte relevante sira hodi hasa'e taxa Partisipasaun iha vasina?
5	Oinsá taxa partisipasaun komidade nian iha vasinasaun?
6	Oinsá perspetiva komidade, ou parte relevante sira kona-ba vasina iha fatin ne'e?
7	Husi monitorizasaun sira mak halo ona iha tempu sira liu ba oinsá ho ninia progresu?

Monitorizasaun mak hala'o iha semana ne'e, husi dia 20 to'o 23 Setembru, membru FONGTIL mak partisipa hamutuk 22 mak halo monitorizasaun kobre facilidade saúde 32 husi munisipiu 11. Informasaun detallu bele haree iha tabela okos.

Tabela 2. Tarjetu Munisipiu no Facilidade saúde

Munisipiu	NGOs	Fatin Monitorizasaun
Lautem	AHFTL	Sentru Saúde Iliomar no Lautem
	FUNERO	Sentru Saúde Fuiluro (5x Monitoring iha fatin hanesan maibé tarjetu Komidade la hanesan)
	PROSPEK	Suku Maina II
		Suku Com, Aldeia Ira-ara
Suku Baduru		

Dili	ANCT	Sentru Saúde Vera Cruz, Suku Caicoli, Postu Vera Cruz, Munisipiu Dili
	JI	Klínika Maternidade Fatumeta, Suku Bairro-Pite, Postu Dom-Aleixo, Munisipiu Dili
	SHC	Klínika Suai villa suku Debos, Postu Suai villa, Munisipiu Covalima
	Roman Luan	Sentru Saúde Komunitáriu Atauro
	FTM	Sentru Saúde Formosa
Manatuto	AMF	Postu Saúde Manatuto Vila
	UMA PAS	Sentru Saúde postu Laga, Suku Soba
Baucau	UMA PAS	Sentru Saúde postu Laga, Suku Soba
	UFD	Sentru Saúde Bucoli – Pa. Baucau Villa – Munisipiu Baucau
Covalima	CCC	Klínika Suai villa suku Debos, Postu Suai villa, Munisipiu Covalima
		Sede Suku Raifun, Postu Maliana
Bobonaro	FHM	Sentru Saúde Balibo
		Sentru Saúde Cailaco
		Suku Manapa, Aldeia Tapomeak, Postu Cailaco
		Sentru Saúde Cailaco Suku Miligo
		Sentru Saúde Ritabou, Suku Ritabou, Postu Maliana
Ermera	SJME	Sentru Saúde Postu Ermera
	HDI	Sentru Saúde Postu Railaco
	IMI	Sentru Saúde Postu Adm. Letefoho
Aileu	ARTC	Centro Saúde Namolesso , Postu Lequidoe, Munisipiu Aileu
Ainaro	NAFOFILA	Sentru Saúde Ainaro
Liquica	RTK	Postu Sentru Saúde Maubara. Suku Vaviquinia, Postu Maubara, Munisipiu Liquiçá
	KADORAS	Sentru Saúde Liquiçá
Viqueque	KHC	Postu Saúde Uaitame
		Sentru Saúde Uatulari, Suku Matahoi
		Suku Karabalu
		Sentru Saúde Uma Quic

2. Analiza no Resultadu


Husi monitorizasaun mak halo husi organizasaun 22 iha fatin 32 hatudu progresu pozitivu hanesan iha esforsu maka'as tebes husi ministériu da saúde ne'ebé koopera ho lider comunidade halo kampaña maka'as tebes ba comunidade, atendentu mak di'ak, fatin balun facilidade apoiu ne'ebé suficiente, balun bele assesível, fatór sira ne'e hotu mak kontribui ba hasa'e taxa partisipasaun, tuir ONG sira mak halo monitorizasaun informa katak iha mudansa iha balun hafoin governu simu rekomendasaun sira. Maske nune'e tuir resultadu monitorizasaun ida ne'e sei mosu preokupasaun sira atu hodi bele fortifika liu tan prosesu vasinasaun atu nune'e bele prienxe rekezitu governu nian. Preokupasaun sira mak hanesan:

1. Konsiéncia comunidade iha fatin vasinasaun hodi kumpre Protokolu governu no WHO nian sei menus, hanesan uza máskara no distánsia.

2. Koordenasaun entre lider comunidade no pesoál saúde sira di'ak ona maibé comunidade nafatin husu atu servisu kontinua koordena no servisu hamutuk to baze, no hasa'e koñesimentu lider comunidade sira kona-ba importante halo vasinasaun no oinsá kampaña ba comunidade hodi promove partisipasaun.
3. Atendementu, iha fatin balun sei ezije atu presiza konsulta antes halo vasinasaun.
4. Fatin balun seidauk iha konjeladór hodi konserva ai-moruk
5. Fatin asesibilidade sei sai preokupasaun iha fatin balun.


Husi apresentasaun dadus komparasaun kriteriu xave dadus akumulativu fatin 32 hatudu katak valor di'ak akontese ba apoiu lider comunidade hodi hasa'e taxa partisipasaun no valor menus mak presiza follow up ba rekomendasaun sira nune'e bele hatene progresu sira husi monitorizasaun nian.

Figura 1. Deskreve dadus akumulativu husi fatin 32 mak ONG sira halo monitorizasaun.



Iha sorin seluk haree husi taxa partisipasaun Durante loron tolu husi 20-23 Setembru 2021, Munisipiu Dili prienxe númeru 1 ho total partisipasaun iha fatin sira mak ekipa halo monitorizasaun ema besik rihun 10, no segundu mak munisipiu Covalima ho partisipasaun besik rihun 1. Husi total partisipasaun refere, feto 6,141 no ema ho defisiénsia na'in 6.

Figura 2: Partisipasaun sidadaun sira iha Vasinasaun



3. Rekomendasaun sira

1. Hasa'e Konsiênsia komidade iha fatin vasinasaun hodi kumpre Protokolu governu no WHO nian sei menus, hanesan uza máskara no distánsia.
2. Haforsa Koordenasaun entre lider komidade no pesoál saúde sira hodi kontinua koordena no servisu hamutuk to baze no aumezmu tempu hasa'e koñesimentu lider komidade kona-ba vasinasaun no maneira kampaña vasinasaun.
3. Komidade kontinua rekomena atu nafatin halo konsultasaun antes halo vasinasaun nune'e atu evita situasaun sira mak ita la espera.
4. Presiza fó prioridade nafatin ba asesibilidade nune'e número partisipasaun ho ema ho defisiênsia iha vasinasaun.
5. Husu ba Ministériu atu halo monitorizasaun ba fasilidade saúde sira hodi aseguara iha fatin konjeladór ba konserva ai-moruk.

4. Remata

Observa ba monitorizasaun semanál no relatóriu sira, FONGTIL observa iha progresu pozitivu husi monitorizasaun no rekomendasaun sira hato'o ona, no ami fiar katak mudansa sira mak akontese tanba kometimentu governu hodi foti asaun ba rekomendasaun sira, nune'e FONGTIL hakarak hato'o agradesimentu ba espasu kolaborasaun mak oferese husi governu no FONGTIL kontinua mobiliza rekursu sira husi perspetiva ONG nian hodi tulun governu iha kampaña hodi hasa'e partisipasaun povu nian iha vasina no tulun governu hodi ultra pasa husi surtu COVID-19.